



INSTITUTIONUM

MEDICINÆ

LIBER QUARTUS.

PARS I.

De Rebus ad Sanitatem tuendam necessariis.

CAPUT I.

Quæ ad Doctrinam de Sanitate tuenda pertineant: Et quotnam sint caussarum ad sanitatem tuendam necessariarum genera.



Res Medicinæ partes, quæ ad eas, quæ Medicinæ propriæ sunt, ipsiusq; finem, qui est sanitas, proximè & propriè concernunt, viam quasi præparant, hætenus pro instituti nostri ratione explicavimus: Nunc ergo ad illas principes, puta *ὕγιεινλν* & *θεραπευτικὴν*, accedimus. Et quidam ab *ὕγιεινῆ* exordiri placet; doctrina longè utilissima. Etsi enim hodie in hac morū corruptione à plerisq; Ars hæc negligatur, & quanta sit sanitatis dignitas, homines vix agnoscant, antequam in morbos inciderunt, & tum deniq; sua bona intelligant, cum, quæ in

Methodi tuende sanitatis utilitas.

potestate habuerunt, amiserunt: tamen viri prudentis est, potius cum aliqua cura præstantissimum sanitatis thesaurum custodire, quàm perditum atq; amissum magno periculo & labore requirere; præstatq; morbum non admittere, quàm admissum expellere. Quapropter Medici etiam est hanc Artis partem diligenter cognoscere, eiq; non minorem curam, quàm *θεραπευτικὴν*, impendere.

Duobus autem membris commodissimè hæc doctrina comprehendendi potest. Primò enim earum rerum, quæ materia quæ si sunt sanitatis, seu caussarum *Doctrina de tuenda sanitate quæ comprehendat.*

Uuuu 2

salu-